

JOHANE I

Asia mârenj masunao Jesure kikefuj gurune gurune jurambij. Eme Paulo â Petoro jahe hâmohipire Johanezi Efeso haeo ra juwec. Ira juhuc hae sâc mitinjic gokac jurambij jahe mamac ejarewec. Mamac ejarehuc juhame jara 23 tarawec. Eme papia I qârenkewec i njic i jañere biñe qârenkewec hâcne. Petorozi qanañ jaha njic ijaha papia jajahec râe-jarewec. Eme papia-ticnezi mitire mumusifuc â bâbâsifuc fowec i hehâmowec. Hehâmohame zâhec moc fuawec. Ine njic moc zâñene Kerinti eki kecziñuc muwec: Kristo â Jesu jahere fugne bârâwij. Kristo e njic sahachec mi fuawec. Njic omane moc juwec zâñene Jesu, e Johanezi Miti Opâ ruacneme erao Kristozi hapâ hawari iñucne wahawec. Erâ Jesuhec juhame mariponko qazo ehapie Kristo e beherâ sambânko risie fewec. Burecdân i hâcne hañ bazo eme Johanezi hehâmoocte papia zi râe-jarewec.

Dân qizecne kecziñuc qârenkewec: Wofuj e tatamac rune, irec naru motecfâcne tatamackoa juhuc dâpâckonec wiac qikiñnezo (gañ 1 â 2:1-17). Erâ dâñ qizecne moc: Kristore râsifâc jingopien jahe Anutu Mamac â Njokâ-ticne bârâwijn-jofazo mungopien, jañere sawañ qahuc juzo (gañ 2:18-29 â 4:1-6). Dâñ qizecne moc: Anutu e manjaun sokawec jâmbân ejarewecte sâqocne geñkehuc manjaun eec ezo (gañ 3). Erâ moc: Anutu e manjaun irec fujqizecne jukac, eme nânâc âgofâc-nâñec manjaun ejarepene Anuturao qacneocmu (gañ 4:7-21 â 5:1-4). Erâ moc: Jesu e Anutire Njokâ muhuc e manasingkenanmuo ine sisipiric hatao mi rahuc juju sanañ rauckenanjmu (gañ 5:5-21).

Mumuzâwe dâñ

1 Fugnaonecteañ fowarehuc juwec, eme hazeczi manambenñ â zâñe-nâñeczi honembenñ, erâ hone denderñehuc mezi ba bâuac ecnembenñ, i juju sanañte Micdân hâcne. ²Juju fârine fua tâcneme honembenñte juju sanañte binedân hâcne mufuarâ gazaenggopenenñ. Juju sanañ i Mamactao fowarehuc juku nângerao fomârânkewec. ³Ine hâcne wiac hone manac embenñ ijaha goñe wâc gazaenggopenenñ. Njazapene manapie miriñ-nâñec fuame mocjaha junañte hâcne muenggopenenñ. Eme miriñ babac-nâñec i Mamac â Njokâ-ticne Jesu Kristo erao qâsignerâ foekac. ⁴Iñuc fuame bubian-nâñec fua qârânke taraocte papia zi hâcne qârenñe-ñarekopac.

Tatamacko juhuc sâqocnere heheson mi bajuzo

⁵Dân biñe Jesuraonec kecziñuc manambenñte gazaenggopenenñ: Anutu e tatamac, dapâc i erao moc mi fohungañkekac. ⁶Nânâc dapâcko juhuc Anuturao qohotangopenenñ mupene burec eocmu â dâñ fâri qizecne mi bajunanjmu. ⁷E jahacne tatamacko jukac iñuc jaha wâc nânâc tatamacko

junanmu, ine mirin babac sâcne enanmu, eme Ŋokâ-ticne Jesu Kristo ere soczi sâqocne-nâneg zureme qaqackenanmu. ⁸Nânâc sâqocne-nâneg mi fokac, inuc munanmuo maŋnâneg eatuckenanmu â dâŋ fâri qizecne maŋ-nânecko mi foocmu. ⁹Â sâqocne-nâneg mufuananmuo ine e mume sasanâ ŋâ tiŋne runezi sâqocne-nâneg zurehuc bahac-nâneg nâwoc rofâreocmu. ¹⁰Nânâc sâqocne mi baengopenen, inuc mupene Anutu burecnjic mucnen-gopenen eocmu â dânticne maŋnânecko mi foocmu.

Anutu dânticne reŋkehuc erao sâcne qohotazo

2 Naru motecfâc-nane, ŋoŋe sâqocne banzipiŋte dâŋ i qâreŋke-ŋarekopac. Â moc e sâqocne baocmu, ine Mamactao sacfozic-nâneg Jesu Kristo e tiŋne runezi jukac, irec manasuzejec. ²Eki hâcne sâqocne-nânegte kiwiric rowec, erâ nânâcne sawa mâcne, mâreŋ sâc ŋic jaŋere mâmâc rowec. ³Anutu mana maŋ eegopenen, ine sâcmutâc dânticne mana reren epene fuŋne jaŋgenkeme manananmu. ⁴Â ŋic moc e sâcmutâc dânticne mana reren mi ehuc muocmu, "No Anutu mana maŋ eekopac", ere burecnjic muzo, ŋic inucnere maŋko dâŋ fâri qizecne mi fokac. ⁵Moc e ine Anuturre dâŋ mana reren eocmu, e jâmbomac Anutu maŋjaun fârine ecneocmu. Inuc ehuc ine Anuturao qohotaengopenen irec fuŋne tanŋkeme manananmu. ⁶Moc e Anuturao qohotahuc jukopac muocmu, e Jesu juwec irec sâcko jaha juzejec.

Ââgo erâ tatamacko juhâmozo

⁷Jorocfâc-nane, no sâcmutâc dâŋ qâricne moc mi qâreŋke-ŋarekopac, i ranqane, fuŋnaonec mana wefuhuc juengopien i hâcne. Dâŋ qazu-ŋarekicne irec hâcne sâcmutâc dâŋ ranqane mukopac. ⁸Erâ dâŋ qâreŋkekopac i sâcmutâc dâŋ qâricne wâc ekac, i Jesurao â ŋoŋerao mâmâc fârine ekac. Ine fuŋne ziguŋte: Dapâc rarunkehamet tatamac fârinezi fua tâcnehuc fokac. ⁹Eme ŋic moc e âgo-ticne qaisockeekaczi "no tatamacko jukopac" muocmu, ere dapâcko juweczi jukac muzo. ¹⁰Â moc e âgo-ticne maŋzi jaunkeocmu, e ine tatamacko sâcne juraocmu, ehuc sâqocne bâbâin moc mi bâfuaocmu. ¹¹Â moc e âgo-ticne qaisockeocmu, e ine dapâcko juocmu â dapâcete hatao raocmu, e dapâcko zâŋe fime qiqquŋkeme wemocko hata-ticne hone taraocmu.

Kâcŋne piticne dâŋ i mâmâc manazo

¹²Naru motec ŋoŋe Jesu zâŋe-ticnere erâ sâqocne bâtâmire-ŋarekicnere dâŋ qâreŋke-ŋarekopac. ¹³Mamac ŋoŋe juwarehuc juwec sanâ e mana maŋ embiŋte dâŋ qâreŋke-ŋarekopac. Ŋicmotec ŋoŋe sâqocne rune sanâ-kecnembiŋte dâŋ qâreŋke-ŋarekopac. Naru motec ŋoŋe Mamac mana maŋ embiŋte dâŋ qâreŋke-ŋarekopac. ¹⁴Mamac ŋoŋe juwarehuc juwec sanâ e

1:9 Muq 28:13 2:1 Rom 8:34; Heb 7:25; Joh 14:16 2:2 Kol 1:20; Joh 11:51 2:4 Joh I, 1:8
 2:5 Joh 14:21, 23; Joh I, 5:3 2:6 Joh 13:15 2:7 Joh 13:34; Mat 5:17 2:8 Rom 13:12; Joh 13:34;
 15:10, 12 2:9 Joh I, 4:20 2:10 Rom 14:13, 15; Joh 11:9 2:11 Joh 11:10; 12:35
 2:12 Kor I, 6:11 2:13 Joh I, 1:1 2:14 Efe 6:10

mana maŋ embiŋte dân qârenke-ŋarekopac. Ɔicmotec ƚoŋe sasan-ŋeŋic fokac â Anuture dânzi maŋŋeŋicko fokac â sâqocne rune san-ŋecknem-biŋte dân qârenke-ŋarekopac.

Maŋnâŋec mârenkopec wiacte mi domazejec

¹⁵ Maŋŋeŋic mârenko me mârenŋe wiacko mi râepie fozejec. Moc e maŋ-ticne mârenko râeme foocmu, e wemocko Mamac maŋjaun ecneocmu.

¹⁶ Maŋŋopieŋ, mârenkopec wiac sasawa: Sahaczi sasac, 3âŋezi sasac â maŋzi fefe wiac, i Mamactaonec m-âne, i mârenkonec. ¹⁷ Eme mâren e sasac wiac-ticnehec siroweocmu, Anuture micdân mana reren eocmu e ine juhuc juocmu san-ŋ.

Kristore râsi qizec fuaocte mukicne

¹⁸ Naru motecf-ânane, dameŋ bembenke-jâmbânkekac; eme ƚoŋe Kristore râsi qizec fuaocte mukicne i man-ŋopieŋ; eme 3i biac râsif-âne bocjaha fuambiŋ jurangopieŋ; irec h-âne dameŋ bembenke-jâmbânkekac i man-ŋopeneŋ. ¹⁹ J-âne fufua i n-ân-âne ƚondenkonec fuambiŋ, â âgo f-ârif-ân-âne juu ine mi jumbiŋ. J-âne âgo f-ârif-ân-âne jurâ muzac mi behe-ân-ôn-âpiŋ. Behe-ân-pombiŋ i fuŋne 3iŋuc tan-ŋkeoc-emb-ân: N-ân-ânehec juengopieŋ j-âne âgo f-ârif-ân-âne sasawa aricne. ²⁰ Ɔoŋe ine Tiri runezi M-âro rua-ŋarewecte m-âmanahec sasawa juŋgopieŋ. ²¹ Ɔoŋe dân f-âri qizecne k-âuc baengopieŋ muhuc papia mi qârenke-ŋarekopac. Aricne, ƚoŋe dânf-âri maŋeŋopieŋte qârenke-ŋarekopac. Erâ w-âc 3iŋucte: Burec sasawa i ere maŋnaonec mi fuaekac.

Anutu Mamac â Ɔokâ mi bârâwiŋ-jofazo

²² Burecŋic i more muzo? Jesu e Kristo aricne, ƚic moczi iŋuc mume ere burecŋic muzo. Mamac â Ɔokâ mic bacjofaocmu, ƚic ere muzo, e Kristore râsi qizec. ²³ Moc e Ɔokâ mickeocmu, e Mamac m-âm-âc qikin-ecmu, â moc e Ɔokâ muqaqackeocmu, e Mamac m-âm-âc sakareocmu. ²⁴ Fuŋnao-nectearŋ mitidân mana warehuc jumbiŋ i h-âne maŋke juŋzepieŋ. Mitidân i maŋke jupie Ɔokâ â Mamac jahe iŋuc jaha maŋŋopahuc junicmu. ²⁵ Wiac i Jesuzi biŋe qan-ârewec, juu san-ŋ h-âne.

M-âro ruarâ juku Jesurao qacfiric domazo

²⁶ Maŋ bâsifuc eŋareengopieŋ j-âŋere dân iŋuc qârenke-ŋarekopac. ²⁷ Ɔoŋere ine 3iŋuc mukopac, M-âro rua-ŋarewec i ƚoŋerao foocmu, irec wemoc-ŋic moczi mu qazuc eŋareocmu, i aricne. M-âro ruambiŋ eki dân sasawa ŋaza qazuc eekac. Eme dân i burec m-âne, i jâmbomac. Eme qazu-ŋarewec iŋuc maŋnao juŋzepieŋ. ²⁸ Naru motecf-ânane, ƚoŋe Kristo maŋnao juŋzepieŋ. Eme juku fua tâcneme qacfiric dom-ân-âpeneŋ, ehuc fifisi-ticnao mimi-3u q-â-3u ehuc wiŋe ƚeŋe uruŋ mi eŋzepeneŋ. ²⁹ Anutu e

2:15 Jak 4:4 2:16 Muq 27:20; Jak 4:16; Tit 2:12 2:17 Mat 7:21; Pet I, 4:2 2:18 Mat 24:5, 24; Pet I, 4:7; Kor I, 10:11 2:19 Apo 20:30; Kor I, 11:19 2:20 Kor I, 2:15 2:23 Joh I, 4:15; Joh 5:23; 15:23 2:27 Joh 14:26; 16:13; Jer 31:34 2:28 Joh I, 3:2; 4:17 2:29 Joh I, 3:7, 10

tiŋne juekac, ŋoŋe iŋuc manaengopienko ine ŋic moc tiŋnea jume honerâ munzepieŋ, Anuturaonec fuawec.

Anuture naru motecfâc juŋgopenen iŋec fuŋne

3 Manangopien, Mamac-nâŋec e manjaun mo iŋucne enârehuc naru motecfâc-ticne munârewec. Eme i hâcne juŋgopenen. Ŋic miti tâmiric jaŋe mi zâŋitac-nâpoengopien, i Anutu e jahacne mi zâŋitambig iŋec. ²Âgo bianfâc-nane, nâŋâc ziŋuczia Anuture naru motecfâc juŋgopenen, â juku sâc wenigucne bâfuananmu, ine biac mi fua tanigkekac. Ziŋuc ine manangopenen: Wofuŋ fua tâcneme juju hawari-ticne honehuc sâc ijaha enanmu. ³Eme moc e iŋec erâ worickehuc juocmuzi Wofuŋ e qaqaŋe jukac iŋucnea juocŋe manŋicne emasankeocmu.

Sâqocne bahuc Satanŋe motec ezo

⁴Moc e sâqocne baekac, e sâcmutâc dâŋ qâsuaekac, sâcmutâc dâŋ qâqâsua izi hâcne sâqocne fârine. ⁵Â Jesure ine manaengopien, e sâqocne bârireocŋe fisiwec, erâ e jahacne ine bahac fâsâc juwec. ⁶Moc e Jesuo juekaczi sâqocne mi baekac. Â moc e sâqocne baekac, e ine Jesu hone manac mi ecnewec. ⁷Naru motecfâc-nane, moczi moc man bâsifuc enarezo mupie mi mananzepieŋ. Moc e tiŋne hata âteme ere ŋic tiŋne muzo, e Jesuzi juju tiŋne juekac, iŋuc jaha juocmu. ⁸Moc e sâqocne baocmu, e Satanŋe ŋic. Satan e sâqocne fuŋnaonecŋe bawec bahuc juekac. Anuture Ŋokâ eki Satanŋe gie imackeocŋe fisiwec hâcne.

Anuture naru motec juhuc sâqocne bapa i mi fokac

⁹Moc e Anuturaonec fuaweczî sâqocne mi baocmu. Anuturaonec jujure tâpîri focneham e Anuturaonec fuakicnezi wemocko sâqocne baocmu. ¹⁰Anuture naru motec â Satanŋe naru motecfâc jaŋere fuŋne ziŋucko hâcne tanigkeme honezo: Moc e juju tiŋne mi juocmu, e Anuturaonec mi mucnezo, â moc e âgo-ticne manjaun mi ecneocmu, ere ijaha muzo. ¹¹Mitidân mana wareengopien i ziŋuc hâcne: Manzi jaun babac enzepenen. ¹²Kaiŋte hata mi âtenzepenen, e sâqocne runere motec erâ qaticne qâhâmowec. Erâ wemocŋe qâhâmowec? Ine kecziŋucte: E jahacne juju bapa sâqocne â qaticnere juju bapa bianŋe iŋec.

Manjaun enârekicnere manjaun enzepenen

¹³Âgofâc-nane, miti tâmiriczî qaisoc-ŋopapie manapie iŋuc me iŋuc mi ezejec. ¹⁴Nâŋâcne ziŋuc manaengopenen: Hâmockonec wiŋerâ jujuo razimben. Iŋuc ekicnere hâcne âgofâc-nâŋec manjaun ejareengopenen. Moc e manjaun tâmiric juocmu e ine hâmocnea juocmu. ¹⁵Moc e âgo-ticne qaisockeocmu e zika qaqaŋic mucnezo. Eme ŋoŋe zika qaqaŋic jaŋere manaen-

3:1 Joh I, 5:20; Joh 1:12, 13; 16:3 3:2 Joh I, 2:28; Rom 8:17; Kor II, 3:18; Fil 3:21; Kol 3:4;
Wah 34:29 3:4 Mat 7:23 3:5 Jes 53:4; Pet I, 2:24 3:6 Rom 6:14 3:7 Joh I, 2:29 3:8 Joh 8:44
3:9 Joh I, 5:18 3:11 Joh 13:34; 15:12 3:12 Fuf 4:8 3:13 Mat 5:11; Joh 15:18, 19 3:14 Joh I, 2:11;
Joh 5:24 3:15 Mat 5:21, 22; Joh 8:44

gopien, jaŋere maŋko juju sanaŋ mi fuaŋ foocmu. ¹⁶ Jesu e nâŋâcnere erâ juju-ticne qikiŋnewecko maŋjaunŋe fuŋne zâŋitambeŋ. Eme nâŋâc iŋuc jaha âgofâc-nâŋec jaŋere erâ juju-nâŋec qikiŋnenanŋe munârekicne. ¹⁷ Ŋic moc e nânâ mafa mâiriri-ticne fohame âgo-ticne waha qaqane jume hone takirerâ bune bofaceocmu, ere muzu, maŋticnao Anutur e maŋjaunŋ mi fokac. ¹⁸ Naru motecfâc-mae, nâŋâc jaunŋ i dâŋzi â micbipiczi sawa mâcne, mezi â maŋzi banzepeneŋ.

Anutur e dâŋ reŋkehuc hâhâwicmâc juzo

¹⁹ Iŋuc epene dâŋ fâri qizecnere kikefuŋ juŋgopeneŋ irec fuŋne tanikeme mananaŋmu. Eme maŋnâŋeczi mumu hehec enâreme Anutur e maio sâcne bâmiriŋkenanŋmu. ²⁰ Ehuc ziŋuc munzepeneŋ: Anutu e maŋnâŋecte sâc mâcne, e sâc moc juhuc wiac mana-fâreekac. ²¹ Jorocfâc-nane, maŋnâŋeczi mumu hehec mi enâreham e Anutur e maio qacfiric sâcne junaŋmu. ²² Erâ micdâŋ-ticne reŋkehuc ere maio wiac ebac epene biankeekacte irec me irec numucnepene nâreekac. ²³ Sâcmutâc dâŋticne kecziŋuc fokac: Ŋokâ-ticne Jesu Kristo ere zâŋe manasiŋkehuc maŋzi jaunŋ babac enzepeneŋ. Iŋuc hâcne enanŋe munârewec. ²⁴ Moc e sâcmutâc dâŋticne reŋkeocmu e Anutu-hec maŋmaŋ enicmu. Anutu maŋkeengopeneŋ i Mâro nârewec eki mufua-nâreme manaengopeneŋ.

Mâro fuŋne fuŋne juŋgopien

4 Âgo bianfâc-nane, mâro kosa jaŋere dâŋ mi mana zakienzepien. Mâro moc e Anuturaonec me mâcne, i mana taraniŋte ruc banzepien. Porofete burecne wemo afecne fuambiŋ jurangopien. ² Anutur e Mâro e ziŋucko zâŋitazo: Mâro moc e Jesu Kristo ŋic fuawec i mutaniŋkeocmu, e Anuturaonec iŋuc mucnezo. ³ Â mâro moc e Jesu mi mutaniŋkeocmu e Anuturaonec mâcne. E Kristo râsi qizec-ticnere mâro iŋuc muzu. Ere manaengopien, e mâreŋko fuaocte mukicne, eme zine hâcne biac fuakac.

⁴ Naru motecfâc-mae, ŋore Anuturaonec, irec porofete burecne sanaŋke-jarembiŋ. Ŋogere maŋko juekac ere tâpirizi mâreŋko juekac ere tâpiri sirickekac hâcne. ⁵ Porofete burecne jaŋe mâreŋkonec, irec mâreŋkonec ŋiczi dâŋ mumu i muengopien, mupie mâreŋkoneczi hazec-jeŋic râeengopien. ⁶ Nâŋâc ine Anuturaonec, eme moc e Anutu hone zâŋitac eekaczi dâŋnâŋec manaekac. Anuturaonec mi fuakicnezi ine dâŋnâŋec qikiŋneekac. Dâŋ fâri qizecnere mâro â bâbâsifuc mâro jahere fuŋne iŋucko hâcne zâŋitaengopeneŋ.

Anutu e maŋjaunŋe fuŋne

⁷ Jorocfâc-nane, nâŋâc maŋjaunŋ eec enzepeneŋ. Maŋjaunŋ i Anuturaonec. Eme moc e maŋjaunheci juomu, e Anuturaonec fuakicnezi Anutu mana maŋ eekac mucnezo. ⁸ Moc e maŋjaunŋ tâmiric juocmuzi Anutu zâŋe rurunkeoc-

3:16 Joh 13:1; 15:13; Gal 2:20 3:17 Joh 1, 4:20; Sâc 15:7 3:18 Jak 1:22; 2:15, 16 3:21 Rom 5:1; Heb 4:16 3:22 Mar 11:24 3:23 Joh 6:29; 15:17 3:24 Joh 1, 4:13; Rom 8:9 4:1 Tes 1, 5:21; Mat 7:15 4:2 Kor 1, 12:3 4:3 Joh 1, 2:18; Joh 8:17 4:4 Mat 12:29 4:5 Joh 15:19 4:6 Joh 8:47 4:7 Joh 1, 2:29

mu. Anutu e manjaug irec funqizecne hâcne. ⁹ Anutuzi Ţokâ-ticne mocjaha e juju bâfua-nâreocne mârenko soreme wahawec ira hâcne manjaug-ticne nâgâcnao fua tanigkewec. ¹⁰ Manjaugte fugne ziguc fokac: Nâgâc Anutu manjaug mi ecnember, ekizia nâgâc manjaug enârehuc Ţokâ-ticne soreme waharâ sâqocne-nâgecne erâ kiwiric nâwoc rowec.

Anuture manjaug honehuc ţiczi wâc eec enzepeneţ

¹¹ Jorocfâc-nane, Anutu e manjaug igucne sâko enârewecte nâgâc iguc jaha manzi jaug babac ehuc junzepeneţ. ¹² Ţiczi Anutu hohone i moc mi ekicne, manzi jaug babac enanmuo ine Anutu mankenanmu, eme manjaug-ticne nâgâcnao fua sarickeocmu. ¹³ Eki nâgâc magnâpoekac â nâgâc e mankeengopeneţ, irec fune ine Mâro-ticne nârewec ira tanigkewec. ¹⁴ Mamac e Ţokâ-ticne mâren sâc ţic bâpiaţ-nâpoocte soreme wahawec, eme nâge zâţe fâri-nâgeczi qame honembente dâţ i mutanigkeocmu, e ¹⁵ Eme ţic moczi Jesu e Anuture Ţokâ jâmbân dâţ i mutanigkeocmu, e Anutu mankeocmu â Anutuzi wâc e mankeocmu. ¹⁶ Anutu manjaug-ticne nâgâcnao fuawec i hone zâţitac erâ mana zakiember. Anutu e manjaugte funqizecne, eme moc e manjaughec juocmu e Anutuzi mankeocmu, â eki wâc Anutu mankeocmu.

Manjaugheczi hâhâwic me âgo qaqaisoc mi ezejeţ

¹⁷ Igucko nâgâcnao manjaug fua tarawec, i okac damenţko qacţiric domanante. Jesuzi juekac iguc jaha nâgâc wâc mârenko zira juengopeneţ hâcne. ¹⁸ Hâhâwic â manjaug jahe ââgo aricne, manjaug fârinezi hâhâwic gurigkeocmu. Hâhâwic e zâic-ticnehec. Irece moc e hâhâwic bajuocmu, erao manjaug sâcne mi fua tarawec muzu. ¹⁹ Nâgâc ine Anutuzi qanaţ manjaug enârewecte manjaughec junzepeneţ. ²⁰ Ţic moc e Anutu manjaug ecneekopac muhuc âgo-ticne qaisockeocmu, ere burecţic muzu. Manangopieţ, moc e âgo-ticne zâţezi hohonene e qaisockehuc wemocko Anutu mi hohonene manjaug ecneocmu. ²¹ Jesure sâcmutâc dâţ ziguc fonârekac: Anutu manjaug ecneekaczi âgo-ticne mâmâc ecnezejeţ.

Anuturao qohotapene wiac moczi mi bawahac-nâpooocmu

5 Ţic moczi Jesu e Kristo muhuc mana zakieocmu, e Anuturaonec fuakicne muzu. Eme moc e mamac bâbâfua manjaug ecneocmuzi qâricfâcne mâmâc ejareocmu. ² Nâgâc Anuture naru motecfâc manjaug ejareengopeneţ me mâcne, ine Anutu manjaug ecnehuc sâcmutâc dâţticne reţkepene izi mufuaocmu. ³ Anutu manjaug mâc mi ecnezo, sâcmutâc dâţticne reţkehuc hâcne manjaug ecnezo. Anuture sâcmutâc dâţ i dâţ gemâcne aricne. ⁴ Anuturaonec fuakicne sasawa jaţe mârenkonec wiac qamaseengopieţ, â mârenkonec wiac qame wahaekac tâpîri i zâţene mamasinţ-nâgec.

4:9 Joh 3:16 4:10 Joh I, 2:2 4:11 Mat 18:33 4:12 Joh 1:18 4:13 Joh I, 3:24; Rom 5:5
 4:14 Joh 3:17 4:15 Joh I, 5:5 4:17 Joh I, 2:28 4:21 Mar 12:29-31 5:1 Joh I, 4:15, 16;
 Pet I, 1:22, 23 5:3 Joh 14:15, 23, 24; Mat 11:30 5:4 Joh 16:33

Anutu e dānticne dopeckehuc wiac rāewec

⁵ Moczi sanaghec erā mārēgkonec wiac sasawa qamaseocmu? Ŋic moc e, Jesu e Anuture Ŋokā, iḡuc muhuc mana zakieocmu eki hācne iḡuc eocmu. ⁶ Jesu Kristo eki hācne opāhec ā sochec fisiwec, opāhec sawa mācne, opāhec ā sochec māmāc. ⁷ Mārozi ine fuḡne mufuaekac, Māro e dāḡ fāri qizecnere rune hācne. ⁸ Irec jahec ā moc jaḡe dodopec gie baengopieḡ: Māro ā opā ā soc. Eme jaḡe jahec ā moczi fuḡne-jēḡic mocjaha. ⁹ Ŋiczi dāḡ dodopec ehuc mupie manapene jāmbomac eekac, ā Anutuzi dāḡ moc dopeckeme ine fāri rarau jāmbāḡ eekac. Anuture dodopec dāḡ ine Ŋokā-ticnere dāḡ dopeckewec i hācne. ¹⁰ Moc e Anutu Ŋokā-ticne manasiḡ-keocmu, e Anuture dāḡ fārine maḡkeocmu. Moc e Anuture dāḡ mi mana zakieocmu, i Anutu burecniḡ mucnekac eocmu. Ŋic iḡucnezi Anutu e Ŋokā-ticnere dāḡ dopeckewec i maname fāri tāmīric ekac hācne. ¹¹ Ā dāḡ dopeckewec ine zḡuc fuakac: Anutu e juju sanag bāfua-nārewec, ā juju sanag irec jācne ine Ŋokā-ticne. ¹² Moc e Ŋokā rauckeocmu e juju rauckeocmu, moc e Ŋokā mi rauckeocmu e juju wāc mi rauckeocmu.

Nunumure ā sāqocnere dāḡ

¹³ No dāḡ i ḡeḡe kecziḡuc mananiḡte qārēḡke-ḡarekopac: Anutu Ŋokā-ticne manasiḡkeengopieḡ ḡeḡe juju sanag foḡarekac. ¹⁴ Nāḡāc zḡuc muhuc Anutu bubiaḡ manacneengopeneḡ: Wiac mocte, e jahac maname fokac irec sācko rāehuc numucnepene mana-nāreocmu. ¹⁵ Ine hācne, wiac i me i numucnepene mana-nāreocmu, i manahuc zḡuc wāc mananagmu: Wiac numucnekicne i biac rauckengopeneḡ. ¹⁶ Ŋic, moc e āḡo-ticnezi sāqocne bame honeocmu, sāqocne hārācte niḡḡiḡ sanag-ticnehec i mācne, ine honerā ere erā numume Anutuzi juju hatao rāeocmu, ine sāqocne hārācte niḡḡiḡ sanag-ticnehec mi baniḡmu jaḡe iḡuc ejareocmu. Sāqocne hārācte niḡḡiḡ sanag-ticnehec i fokac wāc. Iḡucnere nunumu gie baocte mi hārācopac. ¹⁷ Juju bapa hehesicne i sāqocne sasawa. Erā sāqocne ḡācne ine hārācte niḡḡiḡ sanag-ticnehec mi ekac.

Maḡ mamanasu-nāḡec fuame Wofuḡ fārine zāḡitaengopeneḡ

¹⁸ Nāḡāc zḡuc manangopeneḡ: Anuturaonec fuakicnezi sāqocne mi baocmu. Anuture Ŋokāzi hone maiḡ ecnehamē sāqocne runezi mi bāuaocmu. ¹⁹ Nāḡāc Anuturaonec fuakicne, ā miti tāmīric sasawa jaḡe sāqocne rune ere rurumaḡko fongopieḡ, iḡuc manangopeneḡ. ²⁰ Erā zḡuc wāc manangopeneḡ: Anutu Ŋokā-ticne e waharā maḡ mamanasu bāfua-nārewecte jāmbomac rune mana maḡ ecneengopeneḡ. Eme jāmbomac rune, Ŋokā-ticne Jesu Kristo, eki magnāpokac. Eki hācne Anutu fārine ā juju sanag rune. ²¹ Naru motecfāc-mae, wofuḡ jawane jaḡere rucgereḡ-ḡeḡic banzeḡpieḡ.

5:5 Joh I, 4:4 5:6 Joh 19:34, 35 5:9 Joh 5:32, 36; 8:18 5:10 Rom 8:16; Kor I, 15:15
 5:12 Joh 3:36 5:13 Joh 20:31 5:14 Joh I, 3:21, 22; Joh 14:13; 16:23 5:16 Mat 12:31; Heb 6:4-6
 5:18 Joh I, 3:9; Joh 17:15 5:19 Gal 1:4; Joh 8:47 5:20 Joh 17:3; Rom 9:5 5:21 Kor I, 10:14